

Dimensi Baharu **Zakat** di Malaysia

Editor

Muhammad Ikhlas Rosele
Mohamad Noor Sahidi Johari
Muhsin Nor Paizin



Perpustakaan Negara Malaysia

Data Pengkatalogan-dalam-Penerbitan

DIMENSI BAHARU ZAKAT DI MALAYSIA / Editor: Muhammad Ikhlas Rosele, Mohamad Noor Sahidi Johari, Muhsin Nor Paizin.

ISBN 978-967-2959-04-5

1. Zakat--Malaysia.

2. Zakat--Management.

3. Islam--Charities.

4. Islamic giving.

5. Government publications--Malaysia.

I. Muhammad Ikhlas Rosele. II. Mohamad Noor Sahidi Johari.

III. Muhsin Nor Paizin.

297.5409595

Hak cipta terpelihara. Tiada bahagian daripada terbitan ini boleh diterbitkan semula, disimpan dalam bentuk pengeluaran atau ditukarkan ke dalam sebarang bentuk atau dengan sebarang alat juapun, sama ada dengan cara elektronik, gambar serta rakaman dan sebagainya tanpa kebenaran bertulis daripada penulis dan penerbit terlebih dahulu.

Cetakan Pertama ... 2021

© Hak Cipta 2021 Pusat Pungutan Zakat (PPZ-MAIWP) & Akademi Pengajian Islam Universiti Malaya (APIUM)

Diterbitkan di Malaysia dengan kerjasama:

Akademi Zakat (AZKA-PPZ)
Pusat Pungutan Zakat (PPZ-MAIWP)
Wisma PPZ, 68-1-6,
Dataran Shamelin, Jalan 4/91,
Taman Shamelin Perkasa,
56100 Kuala Lumpur
Emel: azka@zakat.com.my
Website: <https://azka.zakat.com.my>

Jabatan Fiqh dan Usul
Akademi Pengajian Islam (APIUM)
Universiti Malaya,
50603 Kuala Lumpur
Website: <https://apium.um.edu.my/>

Penafian

Pihak PPZ-MAIWP dan APIUM tidak bertanggungjawab terhadap sebarang liabiliti berkenaan ketepatan maklumat yang dipaparkan. Editor, pengarang dan penerbit dengan ini secara khusus tidak bertanggungjawab atas apa apa risiko, kehilangan, liabiliti, sama ada secara peribadi atau tidak, yang berlaku akibat penggunaan dan aplikasi kandungan buku ini, secara langsung atau tidak langsung.

BAB 18:

KONSEP WAKALAH: PENGALAMAN PUSAT PUNGUTAN ZAKAT – MAJLIS AGAMA ISLAM WILAYAH PERSEKUTUAN

MUHAMMAD FAKHRURRAZY MD ARIFF

Pusat Pungutan Zakat
Emel: frazy@zakat.com.my

ABSTRAK

Secara praktisnya setiap pembayaran zakat melalui institusi zakat di Malaysia akan diuruskan oleh amil institusi tersebut dari segi kutipan dan agihan. Pembayar zakat meletakkan sepenuh tanggungjawab segala urusan berkaitan kutipan dan agihan kepada amil institusi. Namun atas pelbagai sebab terdapat segelintir pembayar yang ingin mengagihkan sendiri sebahagian zakat mereka kepada asnaf. Justeru konsep Wakalah telah diperkenalkan oleh kebanyakan institusi zakat di Malaysia sebagai jalan penyelesaian dan alternatif kepada isu agihan sendiri ini. Artikel ini cuba menyingkap pengalaman Pusat Pungutan Zakat – Majlis Agama Islam Wilayah Persekutuan (PPZ-MAIWP) dalam melaksanakan konsep Wakalah ini.

Kata Kunci: Wakalah, myWakalah

PENGENALAN

Zakat yang dibayar di Wilayah Persekutuan diuruskan oleh Pusat Pungutan Zakat – Majlis Agama Islam Wilayah Persekutuan (PPZ-MAIWP) sebagai entiti pengutip manakala Majlis Agama Islam Wilayah Persekutuan (MAIWP) sebagai entiti pengagih. Kedua-dua entiti ini adalah amil iaitu mereka yang terlibat secara langsung dengan institusi zakat sama ada individu atau organisasi bagi mengurus dan mentadbir hal ehwal zakat termasuk pungutan, agihan, urusan kewangan dan sebagainya (Ab Rahman, 2015).

Namun terdapat permintaan kepada MAIWP daripada segelintir pembayar zakat untuk mengagihkan sendiri zakat mereka disebabkan beberapa faktor. Antaranya terdapat asnaf yang

dikenal pasti keciciran daripada menerima bantuan zakat dari sebarang institusi zakat di Malaysia, asnaf yang berada dalam kecemasan akibat dilanda musibah dan asnaf yang berada di luar negara yang terpinggir dari perhatian pemerintah.

Justeru pada tahun 2011 MAIWP telah memperkenalkan konsep Wakalah yang bermaksud MAIWP mewakili kuasa kepada pembayar zakat untuk mengagihkan sendiri wang zakat kepada golongan asnaf yang layak melalui pemulangan semula sejumlah wang zakat yang dibayar berdasarkan syarat-syarat yang telah ditetapkan.

Pelaksanaan Wakalah ini juga bertindak sebagai pemangkin dalam membantu meningkatkan kutipan zakat harta di Wilayah Persekutuan apabila syarat utama kelayakan Wakalah ini adalah setiap pembayaran zakat wajib dibuat kepada PPZ-MAIWP. Sehubungan itu kertas ini akan menyusuri pengalaman PPZ-MAIWP dalam melaksanakan konsep Wakalah ini.

PELAKSANAAN WAKALAH

Konsep Wakalah bukanlah akad pemilikan yang memberi kebebasan memanipulasi wang zakat. Sebaliknya pembayar dilantik menjadi Wakil kepada MAIWP untuk melakukan proses agihan zakat bagi pihak MAIWP berdasarkan syarat dan garis panduan yang telah ditetapkan oleh MAIWP.¹

Kategori pembayar yang boleh dilantik menjadi Wakil adalah Individu², Syarikat³, Institusi Pengajian Tinggi Awam dan Swasta (IPT)⁴ dan Majikan⁵.

¹ Dipetik dari Kertas Dasar Pengurusan Wakalah Majlis Agama Islam Wilayah Persekutuan 2019 yang diakses dari Unit Wakalah PPZ-MAIWP.

² Individu yang membayar zakat harta di PPZ-MAIWP di atas entiti orang perseorangan.

³ Syarikat yang membayar zakat perniagaan di PPZ-MAIWP di atas entiti perniagaan.

⁴ Institusi Pengajian Tinggi Awam dan Swasta yang membayar zakat kakitangan melalui potongan gaji ke PPZ-MAIWP.

⁵ Majikan yang membayar zakat kakitangan melalui potongan gaji ke PPZ-MAIWP.

Individu yang membayar zakat harta di PPZ-MAIWP dengan amaun berjumlah RM25,000.00 hingga RM99,999.99 layak mendapat pemulangan semula sebanyak 25% daripada jumlah bayaran zakat. Bagi pembayaran berjumlah RM100,000.00 hingga RM999,999.99 pula layak mendapat pemulangan semula sebanyak 37.5% manakala bagi pembayaran berjumlah RM1 juta dan ke atas layak mendapat sebanyak 50%.

Bagi Syarikat yang membayar zakat perniagaan di PPZ-MAIWP dengan amaun berjumlah RM10,000.00 hingga RM999,999.99 layak mendapat pemulangan semula sebanyak 37.5% daripada jumlah bayaran zakat. Seterusnya pembayaran berjumlah RM1 juta dan ke atas layak mendapat pemulangan sebanyak 50%.

Institusi Pengajian Tinggi Awam dan Swasta yang membuat bayaran zakat kakitangan mereka melalui potongan gaji ke PPZ-MAIWP layak mendapat pemulangan semula sebanyak 50% tanpa had bayaran zakat minimum.

Bagi Majikan yang membuat bayaran zakat kakitangan mereka melalui potongan gaji ke PPZ-MAIWP dengan jumlah minimum RM100,000.00 layak mendapat pemulangan semula sebanyak 12.5% daripada jumlah potongan. Namun jika Majikan tersebut mewajibkan sekurang-kurangnya 80% dari jumlah kakitangan Muslim membuat potongan zakat pendapatan ke PPZ-MAIWP, ia layak mendapat pemulangan semula sebanyak 37.5%.

1. Tatacara Permohonan Wakalah

Pemohon Wakalah perlu membuat surat permohonan kepada Ketua Pegawai Eksekutif PPZ-MAIWP dengan menyertakan salinan penyata akaun bank serta melengkapkan Borang Perakuan Pembayaran melalui *Electronic Fund Transfer (EFT)*. Bagi Majikan yang ingin memohon kadar pulangan semula sebanyak 37.5% perlu menyertakan surat pengesahan yang mewajibkan kakitangan membuat potongan zakat ke PPZ-MAIWP. Bagi pemohon ulangan, mereka harus menghantar laporan agihan terdahulu sekiranya belum berbuat demikian. Semua permohonan perlulah dihantar ke PPZ-MAIWP bermula dari tahun zakat dibayar sehingga 15 Februari tahun berikutnya.

2. Tatacara Pembayaran Wakalah

Permohonan Wakalah yang lulus akan dibayar oleh MAIWP melalui EFT atau cek. Kelulusan berjumlah RM200,000.00 dan ke bawah akan dibayar sekaligus manakala bagi kelulusan berjumlah RM200,000.00 dan ke atas akan dibayar secara dua peringkat pada 50% dan 50% dengan pembayaran 50% kali kedua akan dipertimbangkan setelah laporan agihan sekurang-kurangnya 80% dari jumlah agihan pertama dikemukakan.

3. Tatacara Agihan

Penerima Wakalah boleh mengagihkan zakat mereka kepada asnaf Fakir⁶, Miskin⁷, Fisabilillah⁸, Muallaf⁹, Al-Gharimin¹⁰, Ar-Riqab¹¹

⁶ Menurut MAIWP menerusi laman web www.maiwp.gov.my yang diakses pada 23 Februari 2021 Fakir ialah seorang yang tidak mempunyai sebarang harta atau pekerjaan atau menerima pendapatan daripada sumber-sumber lain tetapi jumlahnya tidak sampai 50% daripada had kifayah untuk keperluan asas dirinya dan tanggungannya.

⁷ Miskin ialah seorang yang mempunyai pekerjaan atau pendapatan yang melebihi 50% tetapi tidak mencapai had kifayah untuk keperluan asas dirinya dan tanggungannya.

⁸ Fisabilillah ialah mana-mana orang atau pihak yang melibatkan diri dalam sesuatu aktiviti untuk menegak, mempertahankan dan mendakwahkan agama Islam serta kebajikannya.

⁹ Muallaf ialah mereka yang dijinakkan hatinya atau mereka yang diharapkan kecenderungan hatinya untuk menerima Islam atau yang memeluk Islam (tetapi belum kukuh Islamnya).

¹⁰ Al-Gharimin ialah golongan yang berhutang untuk memenuhi keperluan asas bagi kemaslahatan diri, keluarga dan tanggungannya atau masyarakat serta individu yang ditimpa musibah dan hutang yang dibenarkan oleh hukum syarak.

¹¹ Ar-Riqab ialah Orang Islam yang dibelenggu atau dieksploitasi dari aspek pemikiran, harta benda, kekuasaan dan kebebasan yang tidak mampu membebaskan dirinya daripada belenggu tersebut.

atau Ibnu Sabil¹² di mana-mana lokasi di dalam atau di luar negara dalam tempoh satu tahun daripada tarikh Watikah Wakalah¹³.

Agihan boleh dibuat kepada individu atau kepada agensi/pertubuhan. Individu yang menerima agihan haruslah beragama Islam, memiliki kerakyatan Malaysia dan berpandukan Had Kifayah¹⁴. Namun mereka yang bukan beragama Islam boleh dibantu bagi kes-kes yang berbentuk musibah dan dakwah. Mereka yang bukan warganegara Malaysia juga boleh dibantu jika ia bersifat kecemasan dan musibah serta bantuan tidak melebihi 50% daripada wang zakat Wakalah yang diterima. Had Kifayah pula ditetapkan mengikut lokasi agihan.

Agensi atau pertubuhan yang menerima agihan seperti masjid, surau, rumah kebajikan, institusi tahfiz, Insituti Pengajian Tinggi, sekolah dan pertubuhan haruslah berdaftar dengan Jabatan Agama Islam Negeri, Majlis Agama Islam Negeri, Kementerian Pelajaran Malaysia, Pendaftar Pertubuhan dan seumpamanya. Jika ia tidak berdaftar pengecualian boleh dipertimbangkan sekiranya ia menyediakan laporan ringkas berserta gambar dan dokumen berkaitan serta aktiviti yang dijalankan tidak bercanggah dengan

¹² Ibnu Sabil ialah Mana-mana orang yang berada dalam perjalanan atau baru hendak memulakan perjalanan dari mana jua negeri atau negara dengan tujuan yang dibenarkan Syarak dan memerlukan bantuan bagi meneruskan perjalanan sehingga mencapai tujuan.

Pembahagian kategori Ibnu Sabil oleh Mazhab Shafi'e:

- i. Anak watan / Orang yang bermukim di suatu tempat yang hendak memulakan perjalanan.
- ii. Orang asing yang terkandas dan tidak dapat meneruskan perjalanan.

¹³ Surat pelantikan kepada Wakil untuk mengagihkan zakat mewakili MAIWP.

¹⁴ Had Kifayah dari sudut bahasa ialah kadar keperluan (kecukupan). Manakala dari sudut syarak ialah kadar minima bagi keperluan asas dalam kehidupan seseorang. Secara ringkasnya, Had Kifayah merujuk kepada suatu kadar keperluan asas minimum yang ditetapkan berdasarkan kos sara hidup semasa. Had ini juga digunakan bagi mengetahui kadar yang perlu dibantu untuk menepati kecukupan perbelanjaan asasi. Penilaian yang dibuat dalam menentukan Had Kifayah ini merangkumi 6 aspek keperluan asas iaitu perlindungan, makanan, pakaian, perubatan, pendidikan dan pengangkutan. Rujukan dari laman web MAIWP www.maiwp.gov.my yang diakses pada 23 Februari 2021.

akidah Ahli Sunnah Wal Jamaah, tidak mengancam keselamatan negara dan tidak bertentangan dengan undang-undang negara.

Agihan boleh berbentuk tunai yang diserahkan terus bagi keperluan mereka atau berbentuk bukan tunai seperti pembelian barangan atau perkhidmatan yang disalurkan terus kepada asnaf atau bayaran terus kepada kontraktor / pembekal bagi menyediakan barangan / perkhidmatan kepada asnaf.

Sekiranya wang Wakalah tidak dapat diagihkan maka Wakil dikehendaki memulangkan semula wang tersebut kepada MAIWP. Jika Wakil meninggal dunia, hilang upaya, tidak waras, organisasi atau syarikat ditutup, muflis, pengambilalihan dan bergabung, maka wang itu hendaklah dikembalikan semula kepada MAIWP dan tidak boleh dikira sebagai harta pusaka (faraid).

PENCAPAIAN WAKALAH

Dilancarkan pada tahun 2011, konsep Wakalah ini telah menerima 58 permohonan dari para pembayar Individu dengan jumlah pembayaran yang diluluskan oleh MAIWP sebanyak RM2.33 juta pada tahun pertama pelancarannya. Pada tahun 2020 ia mencatatkan 1712 permohonan dengan peningkatan sebanyak 2851.72% dalam tempoh 10 tahun, manakala jumlah pembayaran pula sebanyak RM47.59 juta dengan peningkatan sebanyak 1941.32%, Statistik tahun 2011 hingga tahun 2020 boleh dilihat pada jadual 1.

Jadual 1: Statistik tahun 2011 hingga 2020 permohonan Wakalah Individu

Tahun	Bilangan Permohonan	% Kenaikan	Jumlah Kelulusan Wakalah (RM)	% Kenaikan
2011	58	-	2,331,184.32	-
2012	154	165.52	5,125,006.26	119.85
2013	251	62.99	8,763,024.84	70.99
2014	358	42.63	12,195,114.86	39.17
2015	348	-2.79	13,735,972.52	12.64
2016	444	27.59	15,202,504.11	10.68
2017	504	13.51	16,297,105.00	7.20

2018	541	7.34	17,418,148.00	6.88
2019	1093	102.03	31,817,451.00	82.67
2020	1712	56.63	47,587,032.00	49.56

Pada tahun 2011 kategori Syarikat menerima 58 permohonan dengan jumlah pembayaran yang diluluskan oleh MAIWP sebanyak RM11.49 juta. Permohonan pada tahun 2020 meningkat sebanyak 441.38% dengan 314 permohonan dan jumlah pembayaran meningkat kepada RM51.29 juta meningkat 73.22%. Statistik tahun 2011 hingga tahun 2020 boleh dilihat pada jadual 2.

Jadual 2: Statistik tahun 2011 hingga 2020 permohonan Wakalah Syarikat

Tahun	Bilangan Permohonan	% Kenaikan	Jumlah Kelulusan Wakalah (RM)	% Kenaikan
2011	58	-	11,489,775.68	-
2012	94	62.07	16,583,132.89	44.33
2013	129	37.23	28,019,132.96	68.96
2014	135	4.65	23,787,507.91	-15.10
2015	110	-18.52	26,093,097.42	9.69
2016	106	-3.64	31,203,048.03	19.58
2017	109	2.83	32,554,365.00	4.33
2018	120	10.09	35,092,689.00	7.80
2019	232	93.33	37,987,239.00	8.25
2020	314	35.34	51,288,937.11	35.02

Wakalah kategori Majikan mula diperkenalkan pada tahun 2016 mencatatkan 119 permohonan dengan jumlah pembayaran yang diluluskan oleh MAIWP sebanyak RM18.03 juta. Pada tahun 2020 jumlah permohonan mencatat peningkatan sebanyak 101.69% dengan 240 permohonan manakala jumlah pembayaran yang diluluskan sebanyak RM31.23 juta meningkat sebanyak 73.22%. Statistik tahun 2016 hingga tahun 2020 boleh dilihat pada jadual 3.

Jadual 3: Statistik tahun 2016 hingga 2020 permohonan Wakalah Majikan

Tahun	Bilangan Permohonan	% Kenaikan	Jumlah Kelulusan Wakalah (RM)	% Kenaikan
2016	119	-	18,027,078.43	-
2017	131	10.08	21,956,352.36	21.80
2018	137	4.58	21,134,840.00	-3.74
2019	199	45.26	27,049,209.00	27.98
2020	240	20.60	31,226,318.00	15.44

Wakalah kategori Institusi Pengajian Tinggi pula diperkenalkan pada tahun 2017 mencatatkan 14 permohonan dengan RM1.97 juta jumlah kelulusan pembayaran oleh MAIWP. Pada tahun 2020 mencatatkan peningkatan 7% dengan 21 permohonan dan RM3.79 juta diluluskan pembayaran oleh MAIWP dengan peningkatan sebanyak 92.14%. Statistik tahun 2017 hingga tahun 2020 boleh dilihat pada jadual 4.

Jadual 4: Statistik tahun 2017 hingga 2020 permohonan Wakalah IPT

Tahun	Bilangan Permohonan	% Kenaikan	Jumlah Kelulusan Wakalah (RM)	% Kenaikan
2017	14	-	1,973,921.00	-
2018	15	7.14	2,166,405.00	9.75
2019	18	20.00	3,364,593.99	55.31
2020	21	16.67	3,792,745.00	12.73

RUMUSAN

Konsep Wakalah yang diperkenalkan oleh MAIWP bersama PPZ-MAIWP sememangnya telah memberi sinergi baru kepada proses agihan zakat. Para pembayar zakat akan lebih bermotivasi untuk meningkatkan bayaran zakat apabila mereka turut diberi ruang dan

peluang untuk bersama membangunkan para asnaf. Penerima Wakalah dari kategori IPT contohnya amat mengalu-alukan pelaksanaan konsep ini kerana penglibatan mereka secara langsung dengan para pelajar yang kebanyakannya terdiri dari asnaf, memudahkan konsep ini mencapai objektifnya.

Melihat kepada prospek dan potensi konsep ini pada masa hadapan, pada 7 Disemberr 2020 PPZ-MAIWP telah memperkenalkan sistem integrasi atas talian (*online*) yang menghubungkan pemohon Wakalah, PPZ dan MAIWP. Sistem pusat sehenti (*one stop center*) ini dinamakan MyWakalah boleh diakses melalui aplikasi di peranti mudah alih atau di laman web. Melalui MyWakalah pengguna boleh membuat semakan kelayakan, membuat permohonan Wakalah, membuat semakan status permohonan dan menghantar laporan agihan berserta tanda lokasi asnaf.

Sistem ini dilihat satu kejayaan bersama antara MAIWP dan PPZ-MAIWP dalam menyatukan semua proses kerja antara dua organisasi dalam satu platform. Ia bakal memberi manfaat yang lebih menyeluruh apabila proses penaiktarafan dilaksanakan kelak yang antaranya akan memuatkan enjin pembayaran zakat dan mengakses sejarah pembayaran¹⁵.

RUJUKAN

- Ab Rahman, Azman. (2015). Ensiklopedia Asnaf dan Skim Agihan Zakat Di Malaysia. Nilai: Universiti Sains Islam Malaysia.
Pusat Pungutan Zakat. (2019). Kertas Dasar Pengurusan Wakalah Majlis Agama Islam Wilayah Persekutuan 2019. Kuala Lumpur: Pusat Pungutan Zakat
Majlis Agama Islam Wilayah Persekutuan. (t.th). *Bantuan Zakat*. Dalam laman web <https://www.maiwp.gov.my/> diakses pada 23 Februari 2021

¹⁵ Temu bual bersama Pengurus Unit Wakalah En. Mohd. Zulkifli bin Mohd. Basir pada 22 Mac 2021.

Dimensi Baharu **Zakat** di Malaysia

Sistem zakat dan filantropi amnya telah berkembang pesat di seluruh dunia. Di Malaysia khususnya, sistem zakat ini semakin diterima umum sebagai medium pembangunan ekonomi dan jaminan sosial masyarakat. Sistem ini mempunyai potensi yang besar, maka ia perlu diperkasa dan dilonjakkan seiring dengan pertumbuhan ekonomi dan kewangan Islam negara. Adalah diharapkan agar penerbitan buku ini dapat menjadi wadah diskusi yang sangat penting bagi meningkatkan kesedaran dan kefahaman masyarakat tentang bidang zakat. Usaha ini perlu dipergiat lebih lagi supaya bahan-bahan bacaan berkaitan subjek yang amat penting ini tidak putus dan terhenti setakat ini sahaja. Semoga usaha yang dicurahkan dalam menerbitkan buku ini mendapat ganjaran dan pahala di sisi Allah SWT. InshaAllah.



AKADEMI ZAKAT (AZKA)
PUSAT PUNGUTAN ZAKAT
Wisma PPZ, 68-1-6, Dataran Shamelin, Jalan 4/91,
Taman Shamelin Perkasa, 56100 Kuala Lumpur.

www.azka.com.my

ISBN 978-967-2959-04-5



MS ISO 9001:2015
CERT NO.: MYAR 2514

MS ISO 9001:2015
CERT NO.: MYAR 2514